



social development

Department:
Social Development
REPUBLIC OF SOUTH AFRICA

PEOMOLAO YA TLHABOLOLO YA THUSO YA LOAGO, [B8B-2018] TLHAGISO GO LEKGOTLA LA BOSETŠHABA LA DIPOROFENSE 2020

MATSENO

Peomolao ya Tlhabololo ya Thuso ya Loago e itsisitswe Kokoanotheomolao ya Bosetšhaba ka la 13 Moranang 2018, fela ka go tlhoka lesego e ne ya khutla ka Motsheganong ka ntlha ya phetogo ya tsamaiso. E ne ya tsosololwa ka Diphlane 2019 mme kwa bokhutlong e ne ya tsewa tsia ke Komiti ya Tiro ya Tlhabololo ya Loago.

Komiti e ne ya tshwara ditheetso tsa setšhaba le go amogela ditshwaelo tse di kwadilweng tsa Peomolao. Bontsi jwa ditshwaelo tse di ne di tshegetsa Peomolao e e tshikintsweng mme komiti e ne ya e rebola ka la 11 Mopitlwe 2020, ka ditlhabololo tse dinnye. Peomolao e ne ya romelwa kwa Kokoanotheomolao ya Bosetšhaba, kwa e neng ya fetisiwa le go romelwa kwa Lekgotleng la Bosetšhaba la Diporofense teng, le le itsegeng e le NCOP, go dumalana le yone. NCOP jaanong e batla taolelo kwa diporofenseng tsotlhe go e kgontsha go araba kopo ya Kokoanotheomolao ya Bosetšhaba gore e dumalane le yona. Kokoanotheomolao ya diporofense e tshwere ditheetso tse tsa setšhaba go bona dipono tsa baagi ba tsona gore di kgone go tsaya taolelo ya tsona ya diporofense di e romele kwa NCOP.

MAITLHOMO A PEOMOLAO

Go tlaleletsa mo diphetong tse dinnye tse di mmalwa mo ditlhalosong, Peomolao e na le maitlhomomagolo a mararo.

Maitlomo a ntlha ke go maatlafatsa Tona ya Tlhabololo ya Loago, ka tumalano le Tona ya Matlotlo, go dira dituelo tsa bokanakang jwa tlaleletso mo godimo ga dithuso tse di teng tsa loago. Se se tla kgontsha Lefapha la Tlhabololo ya Loago le SASSA go dirisa pholisi e e atolotsweng ya Tshegetso ya Bana, e e batlang go duela tlaleletso ya bokanakang go dikhutsana tse di nnang le maloko a malapa, mo godimo ga tuelo e e teng ya thuso ya tshegetso ya bana.

Jaaka ba le bantsi ba itse, Aforikaborwa e na le dikhutsana di le dintsi. Bogolo jwa dikhutsana bo godisiwa ke batsofe kgotsa maloko a mangwe a lelapa. Fela, ka ntlha ya maemo a a kwa godimo a khumanego mo nageng, Thuso ya Bofatlhosi jwa Bana e nnile thuso e e teng go tshegetsa dikhutsana. Fela, bontsi jwa malapa jo bo tlhokomelang dikhutsana ga a kgona go fitlhelela thulaganyo ya tlhokomelo ya bofatlhosi ka ntlha ya dipalo tse dikgolo le didirisiwa tse di lekanyeditsweng mo pusong go baya bana mo Tlhokomelong ya Bofatlhosi.

Thuso ya Bofatlhosi jwa Bana le thulaganyo ya tlhokomelo ya bofatlhosi kwa tshimogolong di ne di diretswe fela bana ba ba tlhokang **tlhokomelo le tshireletso**.

Ba ke bana ba ba neng ba bogisiwa kgotsa ba tlhokomologilwe kgotsa ba tlositswe mo bathokomeding ba bona. Bontsi jwa dikhutsana bo ne bo sa siamelwe ke setlhopha se mme bo ne bo le kwa mafelong a a bolokese gileng le masika a bona. Se se dirile gore bana ba le bantsi ba ba mo tlalelong ba se kgone go fitlhelela thulaganyo ya tlhokomelo ya bofatlhosi.

Maikemisetso a pholisi e ke go tlamela tshegetso ya lotseno lwa tlaleletso go dikhutsana tse di nnang le ditokololo tsa lelapa gore di kgone go tsenela thulaganyo ya tlhokomelo ya bofatlhosi. Se se tla imolola thulaganyo ya tlhokomelo ya bofatlhosi le go letlelela lefapha go dirisa badiredikatlaleloloago ka nonofo fa ka nako e le nngwe ba tlamela lotseno lwa tlaleletso go dikhutsana kwa ntle le go tlhoka go dirisa thulaganyo e e boima ya tlhokomelo ya bofatlhosi.

Bakopi ga ba na go tlhoka tswelletso ya kgotlatshekelo kgotsa tswelletso e e tsamaelanang le yona ya katlaatlaloloago pele ga ba dira kopo ya thuso ya tlaleletso. Fela, fa thuso e setse e abilwe, ba tla romelwa kwa Lefapheng la Tlhabololo ya Loago go bona ditirelo tsa loago le tshegetso.

Maitlomo a bobedi a Peomolao a batla go nolofatsa tswelletso ya Boikuelo.

Tswelletso gajaana e na le dikarolo di le pedi. Fa motho a dira kopo ya thuso ya loago mme SASSA e bo e gana kopo, motho o na le tshwanelo ya go dira Boikuelo. Fela, pele ba dira boikuelo, ba tlhoka pele go boela kwa SASSA mme ba kope gore SASSA e akanye gape kopo ya bona. Tswelletso e bidiwa: Go Akanya Gape mo Molaong wa gajaana. SASSA e na le malatsi a le 90 go akanya gape boikuelo jwa mokopi mme mo bontsing jwa dikgetsi, e santse e gana dikopo ka gore SASSA ga e akanye botlhokwa jwa kgetsi ka go lebelela fela gore e obametse ditlhokego tsa tsamaiso tse di tlametsweng mo peomolaong. Ke fela fa kopo e akantswe gape ke SASSA gore mokopi, fa a sa dumalane le tshwetso ya SASSA ya go akanya gape, a ka yang kwa Lekgotleng la Boikuelo go tlhoma Boikuelo. Tswelletso ya boikuelo le yona e tsaya malatsi a 90. Tswelletso e e feletseng ke malatsi a 180 kgotsa dikgwedi di le 6

Tswelletso ya ka fa gare ya go akanya gape e tlhola ditiego tse dikgolo go batho go fitlhelela tshwanelo ya boikuelo e e mabapi le dithuso tsa loago, kwa ntle ga go tsenya boleng jo bo golo. Ka jalo Tlhabololo ya Peomolao e tshikinya go tlosa tswelletso e le go naya mokopi tshwanelo ya go tlhoma boikuelo ka tlhamalalo kwa Lekgotleng le le Ikemetseng la Boikuelo jwa Thuso ya Loago fa a sa kgotsofadiwa kgotsa a utlwisitse botlhoko ke dipholo tsa kopo ya thuso kgotsa tshwetso e e dirilweng ka nako ya tshekatsheko ya thuso, ke SASSA. Se se tla fokotsa dinako tsa boikuelo go tloga mo malatsing a 180 go ya go a le 90 fela.

Maitlomo a boraro ke go fetola foromo ya lephata ya Botlhatlhabi go tswa go eo ya lefapha la puso go ya go lekala la puso.

Karolo 24 ya Molao wa Thuso ya Loago e tlamela tlhomo ya Botlhatlhabi jwa Thuso ya Loago. Fela, karolo e ga e ise e itsisiwe semmuso ka ntlha ya gore Botlhatlhabi e le lefapha la puso. Ka ntlha ya mafapha a le mantsi a puso a re nang le one gajaana le ditshenyegelo tse dikgolo tse di amanang le tlhomo ya mafapha a puso, ga re tlhoke le lengwe. Ke ka moo Peomolao e e batlang go fetola thulaganyo ya Lekala la Botlhatlhabi mo Lefapheng la Tlhabololo ya Loago. Fela Botlhatlhabi bo tla tshola

boikemelo jwa bona gape bo santse bo batla go kgona go dira ditiro tsa bona kwa ntle ga kgorelediwa ke Lefapha kgotsa SASSA.

Go tlhoma Botlhatlhabi go tla thusa go netefatsa gore go samaganwa go lekane le ntlha ya tsietso le bobodu. Ditiro tse di botlhokwa tsa Botlhatlhabi ke go batlisisa tsietso, bobodu le bogodu, go batlisisa mekgwa ya tshokamo ya tsamaiso ya matlotlo le tirelo, go tshwara kobamelo ya matlotlo le dithuno, go batlisisa ditiro dingwe le dingwe tsa bosenyi mo SASSA le tse di amanang le ditiro tsa yona, ditlamego le ditiro tsa yona, le go tshola setiri sa matlhomeso a thuso ya loago le dithulaganyo. Gape bo tla lwantsa tirisobotlhaswa ya thuso ya loago le go tlhagisa sedirisiwa sa dingongorego.

Go feleletsa, maitlhommo a maikaelelo a ona ke go tokafatsa nonofo ya thulaganyo ya dithuso tsa loago le go kgontsha dithuso tse di tokafetsng go dikhutsana, phitlhelelo e e bonako ya Lekgotla la Boikuelo le go fokotsa kgonagalo ya tsietso le bobodu mo thulaganyong ya thuso ya loago.